

Мал' яндер', пролетария', нгобт' нятал'яда'.

# Нярьянг

# НГЭРМ



Советской Союз' Коммунистической

1979 по.

Газетава' 1958 по  
июнь иры'  
1 яляхад  
нгадибернга

Ноябрь иры'

**23**

яля'

ПЯТНИЦА

Си'ив яляхана  
нгопой нгадибернга  
№ 47 (1981)

## Масидо' тэнонга'

Маня округана нгардан'  
халя завод' халям' пэртидо'  
сэр' нгыламна хане тамна  
сахам'. Саля яв', Тазу яв'  
мюня нгокханда ханена не-  
нэцъ ёнаркад вата тет юр'.  
Та нгок ненэцие' ноябрь  
иры нгопой ю' яляхана ха-  
давы халяндо' нгокад 2158  
центнернгэ хая.

Тюку мэта яляханана ха-  
ля завод понггад Шурыш-  
карской районхы Горков-  
ской халя заводари тер' го-  
сударственной планамдо'  
томда выдадо'. Нгани сэр'  
нгыламна ханена ненэцъ'

## САЦЬ НЯДАНГУРНГА'

Теда нгарка еси' салаба нгыл хонарамахад, хуркари тарана нгамгари' тиртя нганона тэваба пийдо'. Тад тикахад тиртя' нгано' сыв' халям' пэрти ненэцие' сэр' нгыламна ханебць яхато мер тэволэйдо'. Тюку Ямальской районхы Япстик Салля няна по' ханеванди' ненэцие' мер' тиртя нганорихина тэволэйдонзь'.

Тамна савамбаковна тиртя' нгано' ядэрмандо' еэмня Ямальской район тингивна ядэрта тиртя нгано'

ерв тарем' тасладо'. Новой Порт хардахана етя тиртя нгано' нгамдалавам' серта. тара. Таяна ненэця бензинхана тердембангудо'. Писавэй яля тирта. Тиканда Япстик Салля няна хадабада халэдо' пон' салаба нина нгонёвдавэй таминандо' тэвабангудо'. Нара няна нгобтарем' халям' пэртидо' хабэй ид танабада халям' хадабаванзь нгани мер' Новой Портан' тиртя нганохана татыдо'.

В. ХУДИ.

## Тамна хабарпа'

Ноябрь нюртей яляхана Ямальской районхы Новопортовской халя завод' ты' пэртида хабарманда тыдо' Новой Порт харад хэван тэврэйдонзь'.

Тад тикахад яхаванда тыдо' етя сертавы ядрев няелмы нгаврахана нгамемламбидо'. Тиканда тыто' нгамза сава сортувна ханда.

Новой Портхана нгэда рыбкооп ненэця' ты' пэрти' ты' нгамзи' ня'амаправанзь индо' ядан' хамэды'.

Пыдо нгахана мале еся вадм' сулурнгадонзь. Тамна тикы хавна лампоцка яляхана нгани ялэмдадонзь. Манзарана ненэця' хараси ни сарабарт'.

Нгокханда рыбкооп ты' пэртяхат тет' ёнар ты' нгамзам' тэмда ватора. Нюртей яляхана мале тинандо' мю сидя юр' нгамзам' мэ. Тикы нгамзидо' сававна хая. Яханава серто' таяна манзарана ненэця' нгули мер' сльцеван' харвадо'.

## Нгахакуд ятна'

Маня' округана нгардан' илена ненэця' тад товандопохона округана 50 поданда хэсь ялям' саць сававна ядабтамбангудо'. Теда ханянгыдо' нгахакуд хамеко'

селькупской районхад товы ненэця округана 50 поданда хэсь яля няюв сертавы концертандо' манэлабтамба пяць. Сырмы ненэця' сямян' няхатато' концертаханандо Людмила Рочевам' тэра. Тикы не сём' мэпананда тарси теневавы. Сёда тэре нгарка Пур' яха, сата ендалаха. Тад тикахад нгани нида трабцохона' ненэй ненэцие, тасу хаби илам манэлабтамбидо'.

Концертм' манэсомахад хибяри ненэця идя ядэлангугу'. Округава 50 ю по' ямбан' невхы похотата нгули саць несэйма. Ненэциена халям' хадабавандо', ты' пэрмандо', похом' хадабавандо' хавна я' индадм' тюу тарпрамба нгани тара'.

Красноселькупской район тер' пуд Газовской районхад товы ненэця' концертм' манэлабтаць. Нгобтарем' концертадо' нгани иликась.

Тюку И. Сычёв тадтавы сидянггахана Красноселькупской район пяд товы не Л. Рочева сём' мэнга.

Г. ХЭНО.



пэяд'. Ноябрь иры' 15 яляхана тодо' районхат' ненэця тэвыдаць. Пыдо' концерт манэлабтамбавандо' нерпя партияна окружной комитетанда' пропаганда няби агитация нямна нгэда отделеанда ерв А. Д. Дроздов лаханась.

Тикы няндо' пуд Красно-

## СИДЯ ЯНГОРЭЙ

Газовской районхы Газовской халя завод' халям' пэртида нгылня хамотана сэврим' хадабиць. Таяна ханена ненэця Мессо яха няна ватангугуц'. Нгопой ноябрь ирыхана хадавадо' халяндо'

ли Худи социалистической пирдырмахана нгани нита нерня ваць нгидимя. Ирын' ватормы планамда сидя янгорэй томда выдада. Харта халя заводаханда нгыдавы

## Еся сехэры нгэрм' яна' ня тидхалы


Я' нгавна ида нгэрм' ява нгули сынггоседа ясь. Я' сармик илам нгамгэхэрт мун' нидёнзь харебю. Та нгамгэ пирхана пенэця' я' индадм' пюла. Нгэрм' яна сэрер' тяхана ту' пя' еэйнгэ тараванда нгамгэм' хомахадандо', тиртя нгано, ту' нгано ныхырихина тэваба нибя пирмамда тасламахадандо', еся сехэрым' вэнггаламба пяць'.

Ту' хан' нгопой мэва тэвабада нгамгаринда нгокад тамна юр' мяд' нгокахарт ни' нга. Ту' хан' ныхыда нгули нгарка. Теда нгэдыбятю Тюменской областхы Сургут харад няд тальня еся сехэрым' вэнггаламби.

Теда тикы вэнггаламбада сехэрэдо' мале Пуровской районан тэвыць. Тад тикахад сертабада еся сехэндо' сидя хэвхана едэй харад пэдара' понггана танмы толаха'. Нюбедо тарця: Ноябрьск. Ханымэй, Пурпе. Таяна ман-

зарана' ненэця' маня Советской яна тыхат' малёвы. Харто' пэртыдо' манзаядо' сиддо' ханяцей сахамламби'.

Теда тю'уй И. Сычев тадтавы сидянггахана саць сававна манзарана ненэць В. П. Кайнов. Пыда социалистической обязательствиде ваторама ялэта таль томдаба пэръяда. Нгылнянгы сидянггахана В. П. Кайнов



нгани нита ня сертабада еся сехэрэндо' еся пул'. Тикы

пулдо' Пур' нярхаламба Нгокханда'

яхам': нюдяко' еси' нярхаламба еся' пул' тарем' таяна нгули нгока.

## Конференциядо' нгась

Надымской районхы Новой Уренгойм' нюбета хардахана комсомолна территориальной комитетанда нябимдей отчетно-выборной конференцияда нгась. Тикы конференциян' ёнаркад вата няхар' юр' комсомольцахатато' юркад вата сидя ютё малыць'.

Комсомолна территориальной комитетанда секретарь Владимир Дегтярь докладм' толась. Пыда тарем мась:

— Тюменской областхад тарпрамбада я' инд нгарка харад няна ту пя еэйнгэ ненэця' мэнгадо'. Заводахана', фабрикахана' машин' манзабтамба

нгани тара. Нгабцата маня' яханана Уренгойва нгарка таром' ха'аврамби. Тарця яхана манзая сохом' минрена иланггы ненэця', комсомолец'. Пыдо' ныхыханандо' нгахат хардасьвы пэдара понггана едэй нгарка харад' нгабта', сэв' сехэравы

та тара. Новой Уренгойханана самбляннг юкад вата няхаромдэй управленияхана ялриндо' комсомолец'. Тикы управленияхана манзарана' комсомолец' 18 съездандо' нювм' нюбета отрядхана товы иланггы ненэця'.

Тад тикахад хусувэй ненэць серкат' таневавандо' еэмня помнандо' лекция', бесед' толаба серонга. Хэвы похона хардаханана тодо' манзарани' понггана 300 лекциям' нгани яхат турта лектор' толаць'. Тиканда' харна' хардаханана' тарця серм' минрена ненэциена таянбта сава.

Ханянгы манзарана ненэциена манзарабць яханато' тамна нгарка социалистической обязательстви' ня'ама. Нюбедоти': Петр Землянко, Павел Баряев, Леонид Вахнован, Михаил Муртазин. Тикы ненэцие' ханянгэндо' бригада В. И. Ленин 110 полянда томзь яля

нин сояма хардахана Нарьяна Знамя хэвхана тадтанггурта'.

Тюку мэта пона' нердени мат' иры ямбам самбляннг юкад вата няхаромдэй комсомольско-молодежной строительной управления социалистической пирдырмахана нюртей ям' ханаванда еэмня комсомолана' ЦКада Нарьяна Знамям' мингась.

Тарця сава серто' хавна тикы комсомолец' юкад вата си'ивмдо' партиан' нямыдонзь'. Тад тикахад хусувэй по' тая манзараванзь турта ненэць нгока. Тиканда управленияхандо' нгахат манзаравы комсомолец' едэй товы нидо' нгули сававна ядабтамбидо'. Пыдо' сангговота манзаяхандо' лабцета бато' тамна сибяраха нгэсеты.

Т. ЛАПСУИ.